



UNIVERSITÄTS-
BIBLIOTHEK
PADERBORN

Universitätsbibliothek Paderborn

Incarnatio Mystica Sive Christiformitas

Roger, Nicolaus

[Erscheinungsort nicht ermittelt], Anno MDCLXXXIV.

Cap. IX. Iesvs amabilis ob titulos dignitatis.

urn:nbn:de:hbz:466:1-37940

bet, quam ut animam suam ponat
quis pro addictis morti, & damnatis.
Meum proinde meritum miseratio
Domini. Non planè sum meriti inops,
quamdiu ille miserationum non fue-
rit.) Hanc ergo spem iterumque, ite-
rumque fixam habeto anima mea, &
repositam in cruce hauri de fontibus
salvatoris amando, sperando, quan-
tum potes, nunquam exhauries. Cæte-
rum conformare memento Crucifi-
xo imprimis dilectionem tuam, ut se-
ria sit: audi enim de cruce clamantem
tot vocibus, quot plagis, serio te, ô ho-
mo, dilexi non simulatè ut vides, serio
tu saltem redama, at serio. Quomodo
serio diliges? odio tui, & patientiâ;
suspecta mihi omnis dilectio, nimis-
que videtur delicata, quæ cruce signa-
ta non est.

C A P U T . IX.

Iesus Amabilis ob titulos dignitatis.

Lectissimos Jesu titulos propono,
Lunde afficiatur magis animus erga
eum,



eum, cui merito dicat illud : (a) Tu gloria Ierusalem, tulætitia Israel, tu honorificentia populi nostri.

§. I.

Jesus Principium & finis? (a) Primus & novissimus ipse in omnibus est primatum tenens, primogenitus in multis fratribus, primogenitus omnis creaturæ, primitiæ dormientium. Nempe primus dignitate, primus prædestinatione, primus gratiæ, gloriæque, hoc est, totus nostri esse divini auctoř, & consummator; erit ne postremus in amore, qui primus est in honore ? attende homo ad petram, unde excisus es. Si primum in unoquoque genere mensura est cæterorum, nefas extra Jesum querere amoris originem & mensuram,

FINIS item noster ac legis Christus. (b) Finis non qui consumat, sed qui consummet, in quo perficiimur, & à quo

(a) *Iudith* 2, 5. (a) *Apoc.* 2. *Apost.*
(b) *Aug.* *Pſ.* 56.

à quo perficimur, & hæc est perfectio nostra ad illum pervenire : sed cùm ad illum perveneris ultra non quærvis, finis tuus est. Quomodo enim finis viæ tuæ locus est quo tendis , quo cum perveneris jam manebis : sic finis studii tui , propositi tui , conatus tui, intentionis tuæ, ille est ad quem pertendis, ad quem cum perveneris, ultra nil desiderabis, quia melius nihil habebis.) Finis omnium & perfectio Christus, si quidem in illo esse, vivere, sentire, ac intelligere hi naturæ humanæ finu conclusi rerum creatarum gradus perficiuntur intima cōjunctio ne cum Verbo principio suo , unde prodierunt. Ac sicut homo compendium orbis, ita orbis compendium in Christo ad principium suum à quo recesserat hominum lapsu , abusuque, rediit : in nobis tamen (d) omnis eadem creatura ingemiscit, & parturit usque adhuc revelationem filiorum Dei expectans. Ad hunc maximè spirat festi-

(d) Röm, 8.

nat-

natque gratia omnis , sicut ad Oce-
num , unde saltem per vapores & im-
bres, profluxit unda, irrequieto cursu
revertitur. A Christo gratia manat,
ad Christum ipsum pondere innato
tendit motum circularem parentis
sui Christi imitata proles, (e) *Exivi à*
Patre, inquit factor gratiæ ; Et veni in
mundum , iterum relinquo mundum, Et
*vado ad Patrem. Ad Jesum itaque diri-
gatur intentio , omnia ad eum ab ho-
mene rectè utente rebus referantur,*
hæ siquidem non aliter ad principium
suum , finemque redituræ sunt , nisi
*quatenus per hominem velut sacer-
dotem mundi, eas in rationali pecto-
ris sui gestantem , ad Christum cum*
*expectata gloria consecratæ reducen-
tur. Ab Iesu principium petatur,in Je-
su destinatur, omne quodcumque faci-
mus in verbo aut in opere, fiat in no-
mine Domini Iesu.*

§. 2.

(e) *Iean. 16.*

Caput. (a) Christus est Caput Ecclesiarum, & est Corpus ejus Ecclesia, & in ejus corpore Unitas membrorum & compago charitatis tanquam sanitas existit, & charitas est spiritus Christi quo animantur membra ejus, inter quae nos per baptismum incorporati numeramur. Quicumque autem in charitate friguerit, infirmatur in corpore Christi.) Sanè ille est Caput Ecclesiarum, tum naturæ convenientia, quia homo item ut membra ejus, tum ordine ac perfectione, tum denique virtute, quia thronus est eminentissimus sapientiarum, & omnium sensuum divinorum donorumque domicilium, quia spirituum dispensator, sensuumque divinorum ac motuum per luminosissimam charitatem : (b) Caput ergo habemus in cœlo, caput nostrum interpellat pro nobis, caput nostrum

(a) Ang ser. 49. de verb. dom. in Ioan.

(b) Ibid. & alibi saepe.

nostrum sine peccato , & sine morte
jam propitiat Deum pro peccatis no-
stris : ut & nos in fine resurgentes , &
immutati in gloriam cœlestem sequa-
mur caput nostrū Quò enim Caput , &
cætera membra . Sed dum hīc sumus ,
membra sumus , ne desperemus , quia
secuturi sumus caput nostrum . Vide-
te dilectionem capit is nostri . Jam in
cœlo est , & hīc laborat quamdiu hīc
laborat Ecclesia . Hīc Christus esurit ,
hīc sitit , nudus est , hospes est , infirma-
tur , in carcere est , quicquid enim hīc
patitur corpus ejus , sē dixit pati : esu-
rivi , inquit , & dedistis mihi mandu-
care , &c. Cūm uni ex minimis meis
fecistis , mihi fecistis . Sic etiam in no-
stro corpore caput sursum est , pedes
in terra sunt ; Tamen in aliqua con-
stipatione & coartatione hominum ,
quando tibi aliquis pedem calcat ,
nonne dicit caput calcas me ? Nec ca-
put tuum , nec linguam tuam quis-
quam calcavit . Sursum est , in tuto
est ,

316 CHRISTIFORMITAS,
est, nil ei mali contigit, & tamen quia
per connexionem charitatis unitas est
à capite usque ad pedes, non se inde
lingua separavit, sed dixit, calcas me,
cùm eam nemo contigerit. Quomodo
ergo lingua, quam nemo contigit,
dicit, calcas me : sic Christus Caput,
quod nemo calcat, dicit : esurivi, &
non dedistis mihi manducare ; sic ad
Saulum clamat : quid me persequeris.) Sic etiam B. Francisco Xaverio
gravius solito quiddam in India pa-
tiente imago Crucifixi sudore ma-
nare visa est non semel in sacello Ca-
stelli Xaveriani in regno Navarrao.
O infinitam Capitis nostri erga nos in-
firma membra teneritudinem & com-
miserationem ! (c) quòd si sic nobis
compatitur Caput nostrum, profectò
decer nos & ipsi Capiti nostro patien-
ti compati. Quidni communis sit Chri-
sti passio omnibus Christianis ? quid-
ni Caput suum membra sequantur ? si

bo-

(c) Bern. ser. 1, Quadrag.

bona suscepimus ab hoc capite , mala autem quare non sustineamus ? (si quidem æ quo amore bona , mala que dantur, ac recipi decet) an respuere tristia volumus , & communicare jucundis ? Si ita est , indignos nos Capitis hujus participatione probamus . Omne enim quod patitur ille , pro nobis est ; quod si in opere salutis nostræ collaborare piget , in quo deinceps coadjutores nos exhibebimus illi ? non est magnum si jejunet cum Christo , qui sessurus est ad mensam Patris cum ipso . Non est magnum , si compatitur membrum Capiti , cum quo & glorificandum est . Felix mem brum , quod huic adhaerit per omnia Capiti , & sequetur illud quocumque ibit . Alioquin si forte abscedi , separarique contingat , privetur statim necesse est etiam spiritu vita . Quæcunque enim portio Capiti non cohaeret , unde ei jam sensus , aut vita nec sanè deerit , qui expositam occupe ,

pet, ut ne tunc quidem sit absque Capite (nempè dæmone) quis non solo contremiscat auditū? tollens membrum Christi faciam membrum dæmoniorum? abscissus autem à corpore Christi, Sathan æ miser incorporabor? sit procul à nobis semper execranda ista commutatio. Mihi omnino adhærere tibi bonum est ô Caput gloriosum & benedictum in sæcula, in quod & Angeli prospicere concupiscent. Sequar te quoctunque ieris. Si transferis per ignem, non avellar à te, non timebo mala quoniam tu mecum es. Tu dolores meos portas, & pro me doles, tu prius transis per angustum passionis foramen, ut latum præbeas sequentibus membris ingressum. Quis nos separabit à charitate Christi? ipsa enim est per quam omne corpus per nexus & juncturas crescit. Hoc glutinum bonum, cuius meminit Esaias (d). Hæc, perquam bonum est

&

(d) cap. 41.

& jucundū habitare fratres in unum.
Hoc unguentum quod descendit & in
oram vestimenti, ut ne minima qui-
dem fimbria careat unctione. In Ca-
pite siquidem plenitudo gratiarum,
de qua accipimus omnes : in Capite
universitas miserationis, in Capite
inexhaustus fons pietatis divinæ, in
Capite affluentia tota spiritualis un-
guenti, sicut scriptum est : Unxit te
Deus Deus tuus oleo lætitiae præ par-
ticipibus tuis.) O participes tam glo-
riosi, tam benefici Capitis, servate il-
lud vobis illæsum etiam cum vitæ ve-
stræ discrimine, sicut membra peri-
clitans Caput protegere solent obje-
ctu sui: salvo Capite salva res. Cresca-
mus etiam in illo per omnia, qui est Caput,
Christus, ex quo totum corpus compactum
& connexum, per omnem juncturam sub-
ministratioñis secundum operationem in
mensuram uniuscujusque membra au-
gmentum corporis faciet. (e)

§. 3.

(e) Ephes. 4.

§. 3.

PONTIFEX. *Habemus Pontificem,*
qui penetravit cœlos, IESVM Filium
Dei(a). Et quid est Pontifex nisi pons
quidam ipse, pontisque factor, qui
divortia Deum inter & populum tol-
lat, & invicem jungat? Et quid est
Sacerdos, nisi sacra dans populo, ac
divinorum minister tum preces po-
puli Deo offerendo, tum iratum Nu-
men placando? (b) *Omnis enim Ponti-*
flex ex hominibus assumptus pro hominibus
constituitur in his, quæ sunt ad Deum, ut
offerat dona & sacrificia pro peccatis.
Quid verò Christus nisi pons quidam
substratus nobis, quo trajiciamus ad
Deum, ac tot veluti pontes nobis sup-
peditans, quot Sacramenta, quot me-
dia subministravit ad nos Deo intimè
conjungendos? Per ipsum divina do-
na hominibus collata sunt juxta illud
(c): *Per quem maxima & pretiosa nobis*
promissa donavit Deus, ut per hæc efficia-
minet

(a) Heb. 4. (b) Heb. 5. (c) 2. Pet.

mini divine confortes naturæ. Ipse etiam genus humanum Deo reconciliavit : nam (d) in ipso complacuit omnem plenitudinem inhabitare , & per eum reconciliare omnia. Neque verò sacerdos (e) tantum Christus, sed & hostia perfecta fuit legalium differentiam hostiarum unius sacrificij perfectione sanciens atque complectens. Fuit enim hostia pro peccato, quia (f) traditus est propter delicta nostra. Fuit & pacifica , quæ in veteri lege immolabatur pro offerentium salute , nempè ut homo in statu gratiæ conservetur semper Deo inhærens, in quo ejus pax salusque consistit. (g) Christus autem factus est omnibus obtemperantibus sibi causa salutis æternæ. Fuit denique holocaustum, id est, totum incensum, quod eò pertinebat, ut spiritus hominis Deo perfectè uniretur, id quod erit maximè in gloria : (h) Habemus autem fidu-

F iam

(d) Col. 1. (e) S. Th. 3. p q. 22. (f) Rom.
4. (g) Heb. 5. (h) Heb. 10.

CHRISTIFORMITAS,
ciam per sanguinem Christi in introitum
sanctorum , scilicet in gloriam cœle-
stem. Itaque sacerdos Christus simul
offerens & oblatio , cuius rei Sacra-
mentum quotidianum esse voluit sa-
crificium : unde licet diversa ani-
malia in veteri lege offerrentur, quo-
tidianum tamen sacrificium, quod of-
ferebatur mane ac vespere , erat a-
gnus, quo veri agni oblationem signi-
ficabatur esse sacrificium omnium a-
liorum consummativum. Neque ve-
rò oblatione suâ Christus indiguit
fons ipse totius sacerdotij , quem le-
galis præfigurabat , & sacerdos novæ
legis ut Vicarius repræsentat ; nec
medio eguit , qui (i) accessit per semet-
ipsum ad Deum semper vivens ad inter-
pellandum pro nobis. Ac (k) talis omni-
nō decebat , ut esset nobis Pontifex sanctus ,
innocens, impollutus, segregatus à peccato-
ribus, & excelsior cœlus factus, qui non ha-
bet necessitatem quotidie , quemadmodum

sa-

(i) Heb.8. (k) Heb.7.

Sacerdotes prius pro suis delictis hostias offerre, deinde pro populi. Præterea Christus est Sacerdos in æternum, tum quia Pontifex non temporalium, sed (*l*) futurorum bonorum, quæ per ejus mortem adipiscimur: tum quia sacrificij sui vis manet in æternum consummans Beatos: (*m*) unâ enim oblatione crucis consummavit in æternum sanctificatos: tum denique quia licet sacrificium redemptionis in cruce semel perfectum nunquam iteretur: tamen sacrificium applicationis, quo iucruentè cruentum quotidie exprimitur, ac virtus ejus dispensatur; hoc verò durabit in æternum, hoc est, usque ad consummationem sæculi. Denique (*n*) secundum ordinem Melchisedech, sacerdos Christus dicitur. Ille enim figura perillustris fuit Domini IESU, ut infra cap. 12. constabit, & ab legali sacerdotio præfigurato in Abraham, decimas quasi tributum ho-

F 2 no-

(*l*) Heb. 9. (*m*) Heb. 10. (*n*) Ps. 109.

CHRISTIFORMITAS,
noris colligens, sacerdotij Christi di-
gnitatem magnificè exhibuit, & ma-
nifestissimè sacrificium novæ legis in-
cruentum in pane ac vino præmon-
stravit. Quis Principem Pastorum, &
Episcopum animarum nostrarum u-
nicum illum æternum sanctissimum
que Pontificem non adoret, non dili-
gat, eoque magis, quia & sacerdos, &
hostia, ipse & altare, seipsum quoti-
die toties offert, quoties per univer-
sum orbem sacra peraguntur? Filius
est, oblatus Patri placet, ecquis cer-
tius placet iratum? quis facilius im-
petret? quis gratius grates rependat?
quis dignius adoret? Sed & nos fe-
cisti Christe IESU unctionis tuæ parti-
cipes: (o) fecisti enim nos Deo nostro re-
gnum & sacerdotes, unde & Christiani
sumus. (p) Voluntariè ergo sacrifi-
cabo tibi Domine, quia voluntariè
oblatus es pro mea salute, non pro
tua necessitate. Sed quid nos offeri-
mus,

(o) Ap. 8. (p) Bern. serm. 3. in Purif.

mus, aut quid retribuimus illi pro omnibus, quæ retribuit nobis? ille pro nobis obtulit hostiam pretiosiorem, quam habuit, nimirum quâ pretiosior esse non potuit. Et nos ergo faciamus quod possumus, optimum quod habemus offerentes illi quod sumus utique nosm̄ et ipsi. Ille seipsum obtulit, tu quis es, qui te ipsum offerre cuncte-
ris? Quis mihi tribuat, ut oblationem meam dignetur Majestas tanta susci-
pere? Duo minuta habeo Domine,
corpus & animam dico: utinam hæc
tibi perfectè possim in sacrificium lau-
dis offerre! Bonum enim mihi, lon-
gèque gloriosius, atque utilius est, ut
tibi magis offerar, quam deserar mihi
ipsi. Nam ad meipsum anima mea
conturbatur: in te vero exultabit
spiritus meus, si tibi veraciter offre-
ratur. Morituro Domino Iudeus
mortuas hostias offerebat: sed jam
nunc vivo ego, dicit Dominus,
nolo mortem peccatoris, sed ut ma-

F 3

gis

gis convertatur, & vivat. Non
vult Dominus mortem meam; & non
libenter offeram illi vitam meam?)
vide cap. 4. hujus 2. part. & cap. ulti-
mum 3. part.

§. 4.

REx Regum, Dominus Dominantium.
Nempè naturæ, donationis, ac-
quisitionis, electionis, titulis justi-
fimis. Naturâ quidem unctus in Re-
gem unione suâ hypostaticâ, unde
animi excellentia, ac species corpo-
ris digna imperio. Donatione Patris:
(a) Ego autem constitutus sum Rex ab eo
super montem Sion sanctum ejus, scilicet
Ecclesiam, & Pater diligit Filium, &
omnia dedit ei in manu, & data est
mihi omnis potestas in cœlo, & in
terra. Acquisitione, nos populus ejus
acquisitionis, quem exquisivit san-
guine suo, qui unctus in cruce regna-
vit à ligno, & imperium ejus super
humerum ejus. Denique Electione

no-

(a) Ps. 2.

nostra Rex noster est ac Dominus. Ave ergo Rex noster, tu solus nostros es miseratus languores, (b) Exaltabo te Deus meus Rex, & benedic animi tuo in seculum, & in seculum seculi: generatio, & generatio laudabit operatua, & potentiam tuam pronuntiabunt: magnificentiam gloriae sanctitatis tuae loquentur, mirabilia tua narrabunt, &c. Regnum tuum regnum omnium seculorum, & dominatio tua in omni generatione & generationem. At vide ô Christi subdite, ne tributum cordis, quo unico regnat & gaudet Rex tuus, hoc est, amorem neges, (c) transstulit nos Pater in Regnum dilectionis filii sui. Regnet ergo in corde nostro ejus dilectio, omnes affectus nostros dirigat nutibus suis. Amor ejus regat in virga ferrea, & tanquam vas figuruli confringat nos mortificatione pravorum animi & corporis motuum. Sic amor Christi regit Sanctos, non delicato, sed durissimo in eos Impe-

F 4

rio

(b) Psal. 144. (c) Col. 1.

rio, & tamen suavissimo : durissimo
usque ad sanguinem , suavissimo us-
que ad gaudii in omni tribulazione
superabundantiam. Veni Domine JE-
su, (d) aufer scandalum regno tuo,
quod est anima mea, & regnes tu qui
debes in ea; venit enim avaritia , &
vendicat in ea fibi sedem , jactantia
cupit dominari mihi , superbia vult
mihi esse rex , luxuria dicit: ego reg-
nabo, ambitio, detractio, invidia, ira-
cundia certantur in me ipso, de me ip-
so, cuius potissimum esse videar : ego
autem quantum valeo, resisto, Domi-
num meum JESUM reclamo , ipsi me
defero , quia ipsius Juris me agno-
sco, ipsum mihi Deum , ipsum mihi
Dominum teneo, & dico, non habeo
Regem nisi Dominum JESUM. Veni
ergo Domine, disperge illos in virtute
 tua, & regnabis in me, quia tu es ip-
se Rex meus, & Deus meus.). At ite-
rum videat subditus Christi, & servus

tan-

(d) Bern. Hom. 4. in Miss.

tanti Domini, quo affectu regem suum
apes, quo aulici, quo subditi paſſim
Reges ac supremos dominatores suos
etiam duros ac vitiosos colant. Re-
gem ſæculi videre propius, & ejus vel
fastidioso sermone respergi magna
pars mundi tam beatum putat, ut fi a-
liter non obtineat, etiā damnis emat,
idque adeptus non modò hominum,
ſed & ſui immemor fiat. Videat hæc
ſubditus Christi ac erubescat, ſi Re-
gem Regum pari non colit affectu. Væ
adorantibus Christum JESUM, ſimulq;
percutientibus, eique imò ſibi potiūs
illudentibus ! Videat denique & in-
telligat, quām universale ſit, quām
absolutum, quām intimum uſque ad
ipsius eſſe noſtri fundum ; quām diu-
turnum ſit Domini IESU Dominium
ſuper nos. Ne ſiquidem addicat ſem-
piternis ignibus, eſto etiam inſontes,
fecerit propterea illis injuriam. Quod
ſi ab eo impudens ac ſervitutis tuæ im-
memor quāras rationem facti, meri-

F 5

rō

tò audies: (e) Tu quises qui r. spondeas
 Deo? quid si tu vermiculum obteras, &
 rogatus quamobrem , dixeris quia
 Dominus vermiculi sum, sic placitum
 est, sit pro ratione voluntas , tunè à
 quoquam jure expostulari posse te-
 cum putas? O diurne, o momentaneæ
 Mundi Regule , hæc tibi in subditas
 Creaturas licet, & Domino dominan-
 tium quicquid sibi libebit in tenomi-
 nibus innumeris inferiorem subje-
 ctiorumque quam tibi sit vermiculus
 vilissimus non licebit? dic itaque in
 omni eventu, dic: (f) Dominus est, quod
 bonum est in oculis suis faciat. (g) Nonne
 Deo subjecta erit anima mea?

§. 5.

Igitur noster sapiens ad dirigem-
 dum potens ad coercendum, ad-
 juvans per gratiam. Lex enim ejus
 non modo imperat , ut lex Moysis;
 sed etiam impetrat gratiam. Non e-
 nem impossibilia jubet, sed iubendo-

mo-

(e) Rom. 9 (f) I. Reg. 3. (g) Ps. 81.

monet facere quod possis , & petere
quod non possis , & adjuvat ut possis.
Plenitudo legis Christi est dilectio , &
mandatum ejus quam suave fraterna
dilectio ! Lex Domini immaculata ,
convertens animas , testimonium Do-
mini fidele , sapientiam praestans par-
vulis. Dilige anima mea , & fac quod
vis. Narraverunt mihi iniqui fabula-
tiones , sed non ut lex tua.

§. 6.

DUX. Quem sequens non ambulat
in tenebris , dux enim ipse , &
lux : non sicut mundus cæcus cæco du-
catum praestans. Duxit nos , unde ? è
servitute peccati plusquam Pharao-
nica , melior Moysè in virga crucis
mirificus , eduxit è saeculo , è morte.
Quò duxit ? ad libertatem filiorum
Dei , ad cœlum , ad vitam. Nec digito
tantum indicat iter tot infestum peti-
culis , sed præit ipse in æstu tentatio-
nis umbraculum , in pluviâ , & frigore
tribulationis tegumentum in Lubri-

F 6

co,

532 CHRISTIFORMITAS,
co delectationis baculus, in naufragio
vitæ portus. Deduc me Domine in se-
mitam mandatorum tuorum, quia ip-
sam volui.

Non viæ tantum, sed & militiæ Dux
Christus, dux amabilis quia fortis,
prudens, vigilans, primus in periculis,
divite stipendio remunerans, paribus
secum conditionibus ad militandum
invitans, adversus hostes non tam
suos quam nostros, moritur ipse in a-
cie, & morte pacem nobis creat.
Hunc sequere anima mea viæ, ac mi-
litiæ ducem tuum, nec ab aliis abdu-
ci te siveris: Dominus solus dux noster
fuit in laboriosa expeditione redem-
ptionis nostræ, & non erat cum eo
Deus alienus, non divitiae, non honos,
non delitiae, hos Deos reliquo Jesu
desertor perfidus sequar? surgent illi
scilicet, ut opitulentur mihi in extre-
mo viæ, vitæque periculo, & in neces-
itate me protegant. (a) Ad sequen-
dum

(a) Bern. serm. 2. de Af.

dum te Domine Iesu vix inveniuntur
qui vel trahi patiantur, qui velint du-
ci per viam mandatorum tuorum. A-
lii enim trahuntur, qui possunt dice-
re: Trahe me post te, alii ducuntur qui
dicunt: Introduxit me Rex in cella-
ria sua, alii rapiuntur, sicut Apostolus
raptus est ad tertium cœlum. Et pri-
mi quidem felices, qui in patientia
sua possident animas suas; secundi fe-
liciores, quia ex voluntate sua confi-
tentur ei; tertii felicissimi, qui in pro-
fundissima Dei misericordia quasi
quodammodo sepulta, jam arbitrii
sui potestate in divitias gloriæ suæ, in
spiritu ardoris rapiuntur, nescientes
sive in corpore, sive extra corpus, hoc
solum scientes, quod rapti sint. Bea-
tus qui ubique te ducem habet Domi-
ne Iesu, non illum refugam spiritum,
qui statim ascendere voluit, & tota
divinitatis dextera percussus est, nos
autem populus tuus & oves pascuæ
tuæ, sequamur te, per te, ad te, quia tu

F 7

es



134 CHRISTIFORMITAS,
es via, veritas & vita: via in exemplo,
veritas in promisso, vita in præmio.

§. 7.

JUDEX constitutus à Deo vivorum
& mortuorum. Ac meritò sanè, ut
qui judicatus est injustè, judicet justè.
O formidandum Judicem omniscium,
incorruptibilem, justissimum, severissi-
sum! formidandum autem? Imò di-
ligendum ne formidetur, qui idcirco
venire tamdiu differt, ut minus inve-
niat quod condemnnet: diligendum,
inquam, ut indulgeat. In hoc perfecta
est charitas in nobis, ut fiduciam ha-
beamus in die judicii, quia sicut ille
est, & nos sumus in hoc mundo. (a)
Timor non est in charitate, sed per-
fecta charitas foras mittit timorem.
Quid est habere fiduciam in die judi-
cii? non timere ne veniat dies Judicii.
Cùm cœperit desiderare venientem
Christum casta anima, quæ desiderat
amplexus sponsi, renuntiat adultero,

ha-

(a) Aug, in epist. Ioan.

habet jam fiduciam in die judicij, non contra se pugnat quando orat & dicit: *Adveniat Regnum tuum.* Qui enim timet regnum Dei, timet ne exaudiatur: quia autem orat cum fiducia, caritas in eo optat jam ut regnum Dei veniat, non patienter moritur, sed patienter vivit, & delectabiliter moritur. Sicut ergo ille Christus Jesus fuit in hoc mundo, diligens nempe inimicos, ita & nos simus, & in hoc erit fiducia nostra in die judicij.) Erit omnino si neminem nisi nos ipsos judicemus, condemnemusque, si judicium, quod totum Filio relictum est à Patre, temere non usurpemus. Et adverte, quod Pater dedit Filio judicij potestatem, (b) non quia suus, sed quia filius hominis est. O vere Patrem misericordiarum! vult per hominem homines judicari, quo in tanta trepidatione & perturbatione malorum eleatis fiduciam praestet naturæ similitudo.)

CA-

(b) *Bern. serm. 73. Cant.*